

**BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
KANTONALNI SUD U BIHAĆU
BROJ 001-0-Su-22-000001
Dana, 04.01.2022. godine**

Na osnovu odredbe člana 15. stav 1. i 2. Pravilnika o vremenski okvirima za postupanje po predmetima u sudovima i tužilaštvima BiH („Službeni glasnik BiH“, br. 5/13, 101/13, 61/14, 10/15 i 56/15), dostavljam analizu godišnjeg izvještaja o poštivanju optimalnih i predvidivih rokova u Kantonalnom sudu u Bihaću, za period od 01.01. do 31.12.2021. godine.

Analiza pokazatelja iz statističkog izvještaja o poštivanju optimalnih i predvidivih rokova

Na osnovu parametara danih u CMS-u: broj neriješenih predmeta, optimalni rok, broj sudaca, orijentaciona norma i vrijeme za zaostale predmete, ovaj je sud izradio Odluku o predvidivim rokovima za 2021. godinu.

Od ukupno 2958 predmeta koliko je sud imao u radu u izvještajnom periodu, ukupno je riješeno 2420 predmeta i to: u predvidivom roku riješeno je ukupno 2275 predmeta, od kojih je 2141 predmet riješen u optimalnom roku, a 145 predmeta riješeno je sa prekoračenjem predvidivog roka. Prosječno trajanje riješenih predmeta je 75 dana, a prosječno trajanje neriješenih predmeta na kraju izvještajnog perioda je 227 dana.

Gledano po pojedinim referatima pokazatelji izgledaju ovako:

Na upravnim predmetima (U-U) još uvijek je optimalni rok (135 dana) znatno manji u odnosu na predvidivi rok iz odluke ovog suda (214 dana). Od ukupno riješenih 639 predmeta upravnog spora, 536 predmeta riješeno je u predvidivom roku, od kojih je 441 predmet riješen u optimalnom roku, dok su 103 predmeta riješeno sa prekoračenjem predvidivog roka. Prosjek trajanja riješenih predmeta je 132 dana, što je u granici optimalnog roka. Prosječno trajanje neriješenih predmeta na kraju izvještajnog perioda je 102 dana.

Na krivičnim predmetima (K-K) također je veliki raspon između optimalnog (88 dana) i predvidivog roka (261 dan). Od ukupno 23 riješena predmeta, 19 predmeta je riješeno u predvidivom roku, od kojih je 12 predmeta riješeno u optimalnom roku, a 4 predmeta su riješena sa prekoračenjem predvidivog roka. Prema statističkim podacima ovi predmeti su rješavani, prosječno, u roku od 216 dana što je ispod predvidivog roka. Prosječno trajanje neriješenih predmeta na kraju izvještajnog perioda je 2190 dana, što potvrđuje u ranijim godinama isticane probleme sa kojima se sud susreće prilikom rada na ovim predmetima, kao što su: zakonske ili procesne smetnje za postupanje u pojedinim predmetima (nedostupnost osumnjičenog odnosno optuženog, raspisane potjernice, dugo trajanje ekstradicionog postupka i sl.). Naime, od ukupno 33 neriješena prvostepena krivična predmeta (K-K), 10 predmeta ima status nerješivih, od kojih 9 predmeta je starosti od 2000. do 2008. godine.

Na predmetima –Kps od ukupno riješenih 16 predmeta, 10 predmeta je riješeno u predvidivom roku (82), od kojih je 5 riješeno u optimalnom roku (52), dok je 6 predmeta riješeno sa prekoračenjem predvidivog roka. Prosječno trajanje riješenih predmeta je 99 dana, dok je prosječno trajanje neriješenih predmeta na kraju perioda 1577 dana. Razlog ovako dugog trajanja su zakonske ili

procesne smetnje za postupanje po ovim predmetima. Naime, od ukupno 10 neriješenih predmeta K-Kps, 6 predmeta ima status nerješivih predmeta.

Na drugostepenim parničnim predmetima, angažovan je najveći broj sudaca ovog suda, zbog toga je i najveći broj predmeta ovog referata riješen u predvidivom roku od 270 dana, dok je taj rok prekoračen u 14 predmeta. Od ukupno 637 riješenih predmeta, 623 predmeta riješena su u predvidivom roku, od kojih su 622 predmeta riješena u optimalnom roku (207 dana). Prosječno trajanje riješenih predmeta je 68 dana, što je znatno ispod optimalnog roka. Prosječno trajanje neriješenih predmeta na kraju izvještajnog perioda je 48 dana.

U drugostepenim postupcima po žalbi u privrednim sporovima (Ps i Mals) od ukupno riješenih 74 predmeta, 73 predmeta riješena su u optimalnom roku, a jedan predmet riješen je sa prekoračenjem predvidivog roka. Prosječno trajanje riješenih predmeta je 78 dana što je znatno ispod optimalnog roka (187 dana). Prosječno trajanje neriješenih predmeta na kraju izvještajnog perioda je 46 dana.

Od ukupno 574 predmeta po žalbama u vanparničnom postupku (I,O,V,V1,V2) ukupno je riješeno 454 predmeta i to: 453 predmeta riješena su u predvidivom roku (od 260 dana), od kojih je 440 riješeno u optimalnom roku (136 dana), dok je jedan predmet riješen sa prekoračenjem predvidivog roka. Prosječno trajanje riješenih predmeta je 42 dana što je znatno ispod optimalnog roka. Prosječno trajanje neriješenih predmeta na kraju izvještajnog perioda je 60 dana.

Od ukupno 105 riješenih predmeta po žalbi na presudu u krivičnom postupku, 102 predmeta je riješeno u optimalnom roku (158), a tri predmeta sa prekoračenjem predvidivog roka (188). Prosječno trajanje riješenih predmeta je 58 dana, a neriješenih predmeta je 34 dana, što je znatno ispod optimalnog roka.

Od ukupno 255 predmeta po žalbi na presudu u prekršajnom postupku, riješeno je 252 predmeta i to: 248 predmeta je riješeno u predvidivom roku (100) dana od kojih je 242 predmeta riješeno u optimalnom roku (70) i 4 predmeta su riješena sa prekoračenjem predvidivog roka. Prosječno trajanje riješenih predmeta je 16 dana, a neriješenih je 6 dana što je znatno ispod optimalnog roka.

U drugostepenim postupcima po žalbi u građanskim sporovima Dn-GŽ, od ukupno 106 riješenih predmeta, 104 predmeta su riješena u predvidivom roku (182), od kojih je 99 predmeta riješeno u optimalnom roku (136), a dva predmeta su riješena sa prekoračenjem predvidivog roka. Prosječno trajanje riješenih predmeta je 57 dana što je znatno ispod optimalnog roka. Prosječno trajanje neriješenih predmeta je 61 dan.

Za riješene ostale predmete po žalbi (zahtjev za zaštitu sloboda i prava pojedinaca, stečajnom postupku; postupak po žalbi protiv mjere osiguranja; postupku upisa u registar privrednih subjekata; na odluku o ponavljanju postupka-GVLŽ ili PVLŽ, ponavljanje postupka Uvl, postupku za izvanredno preispitivanje sudske odluke u upravnom postupku) može se izvesti jedinstven zaključak da je prosječno trajanje riješenih predmeta znatno ispod utvrđenog optimalnog roka. Jedan od predmeta Uvl, koji je ostao neriješen, ujedno je i nerješiv predmet pa je to razlog dugog trajanja postupka (331) dva neriješena predmeta na kraju izvještajnog perioda.

Analiza „perioda neaktivnosti“ u predmetima

Period „neaktivnosti predmeta“ naročito je izražen u krivičnim predmetima. Uzroci tome su već ranije navedeni problemi a koji se odnose na nedostupnost optuženih ili osumnjičenih, raspisane potjernice i sl. Pored navedenog, na period neaktivnosti predmeta u ovom periodu uticala su i duža bolovanja sudija koji duže K predmete.

Također, dužina trajanja tzv. nerješivih predmeta neopravdano ulazi u prosječnu dužinu prekoračenja optimalnih i predvidivih rokova i drastično ih uvećava, a radi se o predmetima koji se zbog

objektivnih razloga ne mogu riješiti, pa bi takve predmete trebalo izuzeti iz statističkih podataka koji se iskazuju za ostale predmete za koje se računaju prosječne vrijednosti prekoračenja rokova.

Analiza raspoloživih resursa u sudu:

Ovaj sud je 2021. godinu započeo sa 15 sudaca (14 redovnih i 1 dodatni) na koje su se rasporedili zaostali predmeti i izradila Odluka o predvidivim rokovima. U avgustu i novembru mjesecu, zbog odlaska u penziju prestao je radni odnos dvjema redovnim sutkinjama, tako da je na kraju godine sud imao 13 sudaca (12 redovnih i 1 dodatni sudac).

Iako ima sistematizovana 4 izvršioca na poslovima stručnih saradnika sudaca, sud je imao samo jednog stručnog saradnika koji je asistirao sucima, a kojem je također, zbog dobrovoljnog istupanja iz državne službe, prestao radni odnos u avgustu mjesecu. U izvještajnom periodu u okviru projekta „Unapređenje rada na predmetima ratnih zločina u BiH“ IPA 2019 u sudu su bila angažovana dva asistenta sudaca.

U sudu su se za samostalan rad osposobljavala 2 pripravnika-volontera, bakalaureati prava.

Prijedlog mjera kako bi se utvrđeni predvidivi rokovi skraćivali i približavali optimalnim rokovima:

- predsjednica suda i predsjednici sudskih odjeljenja će osigurati permanentno praćenje i analizu poštivanja utvrđenih rokova;
- na sjednicama sudskih odjeljenja, odnosno stručnog kolegija sucima ukazati na nužnost poštivanja optimalnih, odnosno predvidivih rokova budući da se samo uz maksimalno angažovanje sudaca može ostvariti svrha njihovog utvrđivanja.

Ostalo:

Prilog: Statistički izvještaj o poštivanju optimalnih i predvidivih rokova za period 01.01.2021. godine do 31.12.2021. godine

S poštovanjem,

PREDSJEDNICA SUDA:
Fata Nadarević